

ansanm ant fanmir lo nivo kanton, lo nivo parwas pou partaze e diskite. Byensir nou pa pou kapab partaz lo tou ketsoz ki konsern lavi nou fanmir. Wi, i enportan pour nou gard en serten diskresyon. Me nou kapab fer lesanz lo sa ki konsern lavi bann fanmir Seselwa an zeneral.

Mon pou vremen apresye pou resevwar zot bann refleksyon, swa atraver laparwas, swa atraver Whatsapp.

Atraver zot lesanz, nou pou kapab kontinyen diserne/swazir (fer semen) an fanmir. Mon pou propoz lezot fason pour aprofondir nou reflexyon. Koumsa nou pou kapab ranforsi sakenn nou fanmir e bann fanmir Seselwa ler nou pou fer pti lepa, pti lepa ansanm. Sa i vremen enportan akoz lafanmir i limenm li labaz lasosyete. Avek lafors Zezi, annou avanse, an fanmir, pti lepa, pti lepa, avek perseverans.



I annan bann video lo ‘Torti Fanmir’.
Zot kapab ganny li lo :

Facebook : pti lepa.....

Youtube : pti lepa

Partaz avek mwan zot bann refleksyon
lo **nimero Whatsapp : 2520828**
ou **email : ptilepa@seychelles.net**

Bonn rout tilepa – tilepa.

A handwritten signature in black ink that reads '+ Alain Harel'.

+ **Alain Harel**



RC Church Publications - Seychelles
Mgr Olivier Maradan Street

Pti lepa, pti lepa



Let Pastoral 2021

par
Monsenyer Alain Harel

Epizod 2





Mon swete ki ou fanmir in byen enterese avek parabol 'Torti Fanmir'.

Dan en parabol napa move oswa bon larepons. Parabol pa pe vin donn leson e repros nou. Bi en parabol se pou fer nou reflexir e petet nou bezwen les nou ganny deranze/sakouye !

Parabol 'Torti Fanmir' pe envit nou pou poz nou lekor serten kestyon e met nou dan sa zistwar pour nou kapab byen reflexir. I ed nou dekouver sa ki nou pe viv dan nou fanmir isi Sesel e i fer nou dekouver kwa ki nou pe viv dan nou prop fanmir. Nou realize ki nou kapab ankouraz kanmarad an fanmir e fer en pti lepa an avan ansanm avek lezot fanmir.

A partir sa parabol, mon kwar ki nou kapab poz nou lekor enn-de kestyon. Sakenn de nou, nou pe siport nou fanmir e sa i pa touzour fasil. Sa i menm defwa byen difisil. I vre ki nou fanmir osi pe siport nou. Sa i en sours lazwa e sekirite pour nou. Annou pran letan personnelman e an fanmir pou fer nou refleksyon :

1. Ki bann difikilte ki nou prop fanmir e bann fanmir isi Sesel pe viv ?

2. Ki mannyer fanmir Seselwa e nou prop fanmir (parey lakok sa torti), pe protez nou e pe donn nou sekirite ?

3. Dan sa parabol nou vwar ki dimoun i 'grat' lakok torti. Donn bann legzanp kot fanmir dan Sesel e nou prop fanmir pe ganny afekte/persekite par bann lafors/presyon andeor ?



Mon bann ser fanmir, mon pe envit zot alor, pou reflexir lo sa bann kestyon. Reflexir osi lo lezot kestyon ki sa parabol i fer nou poze. Si sityasyon lasante i permet, mon envit zot pou zot zwenn